

## Lefa le sa Boleng



---

### SABATHA MANTSIBOEA

#### Bakeng sa thuto ea beke ena, bala:

1 Pet. 1:1, 2; John 3:16; Ezek. 33:11; 1 Pet. 1:3–21; Lev. 11:44, 45; 1 Pet. 1:22–25.

#### Temana ea khopolo:

“Joale, meea ea lōna ha e hlatsoitsoe ke ho utloa ’nete, hore le be le lerato la boena le se nang boiketsiso, a le ke le rataneng ka ho ticia ka pelo e hloekileng” (1 Petrose 1:22).

**N**ako eohle ha motho a ithuta Bibe, a shebane le buka e le ’ngoe kapa karolo ea buka, lipotso tse ’maloa li lokela ho arajoa, haeba ho khoneha. Ea pele, ho tla ba molemo ho tseba hore na phutheho e neng e ngolloa ke efe. Ea bobeli, mohlomong le ka ho fetisisa, ho ka ba molemo ho tseba lebaka le hlakileng la sengoloa. Taba e ne e le efe (ha eba e teng) eo sengoli se neng se batla ho e khalema (joalo ka lengolo la Paulose ho Ba-Galata malebana le lithuto tse fosahetseng tse rutoang ka pholoho le molao)? Joalo ka ha re tseba, boholo ba Testamente e Ncha e ngotsoe e le lievangeli, kapa mangolo, ’me batho hangata ba ngola mangolo e le ho fetisa melaetsa e itseng ho babali.

Ka mantsoe a mang, hare bala Petrose, ho ka ba molemo ho tseba, ka moo ho ka khonehang, boemo ba nalane ea lengolo la hae. O ne a reng, ’me hobaneng? ’Me ka ho fetisisa: Ke molaetsa ofe oo rōna (bao ka tšusumetso re ileng ra ngolloa hape) re ka o nkang? ’Me joalo ka ha re tla bona ha morao, le litemaneng tse fokolang tse qalang, Petrose o ne a na le linnete tsa bohlokoa tseo re li senolelang kajeno, makholo a lilemo ho tloha moo e ileng ea ngoloa.

*\*Bala thuto ea beke ena ho lokisetsa Sabatha, ’Mesa 8.*

## Ho ba Kholehong

Haeba o ne o ka fuoa sephepechana sa pampiri se qalang tjena, “Monghali,” u tla hlokomela hore o ne o bala lengolo. 'Me o tla nahana hore lengolo le tsoa ho motho ea seng haufi le uena. Joalo ka ha mangolo a morao tjena a na le mokhoa oa ho qala, ho joalo feela le mangolo a mehleng ea khale. 1 Petrose e qala joalo ka lengolo la khale ka moo le ka qalang kateng. Le tla hlalosa sengoli le eo le romeloang ho eena.

**Bala 1 Petrose 1:1. Ke'ng eo re ka ithutang eona ho tsoa temaneng ee e le 'ngoe e re thusang ho re fa boemo hanyane?**

---



---



---



---



---

Petrose ka ho hlaka oa itlhalosa. Lebitso la hae le tla pele lengolong lena. Eba, hang o itlhalosa e le “moapostola oa Jesu Krete.” Joalo feela ka ha Paulose a entse (Ba-Gal. 1:1, Ba-Rom. 1:1, Ba-Efe. 1:1), Petrose ha a tloha fela o tiisa thomo ea hae. E ne e “moapostola,” ke hore “ea romiloeng,” 'me ea mo romileng e ne e le Morena Jesu Krete. Petrose o bolela sebaka seo lengolo la hae le lebang teng: Ponto, Galatia, Kappadosia, Asia, le Bithinia. Libaka tsena tsohle li fumanoa Asia Minor, moo ha joale e ka bang Turkey ka bochabela ho Bosphorus. Khang e teng ka hore na Petrose o ne a ngolla haholo balumeli ba ba-Juda kapa balumeli ba Balichaba. Mantsoe ao Petrose a a sebelisitseng ho 1 Petrose 1:1 “bajakileng,” “ba hasang,” ke mantsoe a supang ba-Juda ba phelang kante ho lefatše le halalelang lekholong la pele la lilemo. Mantsoe bakhethiloeng le ba halalelitseng ho 1 Petrose 1:2 a loketse ho ba-Juda le Bakreste ka ho tsoana. Ho hlalosa bao e seng ba tumelo joalo ka “Balichaba” (1 Pet. 2:12, 4:3) hape e bolela semelo sa ma-Juda bao Petrose a ba ngolla.

Liithuti tse ling tse phehang khang, karabong ea hore, seo Petrose a se bolelang ho 1 Petrose 1:18 le 4:3 se ka utlohala hantle se boleloa ho Balichaba ba sokolehelang Bokresteng ho feta bo-Judeng. Hantle, na Petrose a ka be a ngoletse ba-Juda ka “mokhoeng oa ... lefeela oo le neng le o rutiloe ke bo-ntat'a lōna”? Kapa na aka ba itse ho libali tsa Ba-Juda, “Hobane li lekane linako tse fetileng tseo re li phetseng re ntse re e etsa ho ratoang ke bahetene, ha re ne re itsamaela ka bootsoa, le litakatso, le botahoa, le ka meharo ea lijo le ea lino, le ka tšebeletso e manyala ea melimoea ea bohata” (1 Pet. 4:3)? Ke'ng e bohlokoa bakeng sa rōna, leha, ho sa natsoe hore na ho buuo le mang, empa hore na molaetsa o reng.

## Ba Khethiloeng

**Bala 1 Petrose 1:2. Ke'ng hape eo sena se re bolellang eona ka bao Petrose a neng a ba ngolla? O ba bitsa eng?**

---



---



---

E kaba ho ngolloa ka kotloloho balumeli ba ba-Juda kapa Balichaba, Petrose o ne a kholisehile ka ntho e le 'ngoe: e ne e le “ba khethiloeng ka ho tsejoa pele ke Molimo Ntate” (1 Pet. 1:2). Mona, leha ho le joalo, motho o lokela ho ba hlokolosi. Sena ha se bolele hore Molimo o laoletse batho ba bang hore ba bolokehe, ba bang bona ba timele, ‘me joalo kaha eka ke lehlohonolo, bao Petrose a ba ngolla ba bonahala e le ba bang ba bao ba khethiloeng kapa ba khethiloeng ke Molimo hore ba pholohe, ha ba bang ba khethetsoe ho lahleha. Seo ha se sona seo Bibe e se rutang.

**Bala 1 Timothea 2:4, 2 Petrose 3:9, Johanne 3:16, Ezekiele 33:11. Ke joang litemana tsee li re thusang ho utloisisa seo Petrose a se bolelang ha bitsa batho ba “bakhethoa”?**

---



---

Mangolo a totobatsa hore e bile morero oa Molimo hore bohle ba bolokehe, morero o theiloeng molemong oa bona le pele ho popo ea lefatše: “kamoo o re khethetseng ho eena kateng, ha o no o e-so ho thee lefatše” (Ba-efe. 1:4). “Bohle” ke “bakhethoa” ka hore morero oa sethathong oa Molimo e ne e le hore bohle ba bolokehe ho se be le ea mong ea timelang. O laoletse batho bohle bophelo bo sa feleng. Sena se bolela hore morero oa topollo o ne o lekane hore bohle ba kenyeletsoe phekong, lehaeba e se bohle ba tla amohela pheko eo. Tsebo ea Molimo e sa le pele ea bakhethoa empa feela e le ho tseba pele hore na liqeto tsa bona li tla ba ho kae malebana le topollo. Tsebo ena ha ho ka tsela eo e qobellang liqeto tsa bona joalo feela ka 'm'a ea tla tseba e sa le pele hore ngoana oa hae o tla khetha kuku ea chocolate holima linaoa tse tala, ho bolela hore tsebo ea hae ea khetho ea ngoana e qobeleitse ngoana ho khetha.

**Ke mofuta ofe oa tiisetso oo u ka u fumanang 'neteng e khothatsang ea hore Molimo o u khethile hore u bolokehe?**

# Lihlooho tsa Mantla

**Bala 1 Petrose 1:3–12. Molaetsa oa sehloho oa Petrose ke ofe litemaneng tsee?**

---



---



---

Litumelisong tsa hae ho babali ba hae ho 1 Petrose 1:1, 2, Petrose o se a boletse Ntate, Mora, le Moea o Halalelang (1 Pet. 1:2). Litho tse tharo tse etsang bomolimo e ba taba ea 1 Petrose 1:3–12. Ntate le Mora ke sehloho sa 1 Petrose 1:3–9, le Moea o Halalelang o hlaleletse haholo ho 1 Petrose 1:10–12. Ha a ngola ka Ntate le Mora le mosebetsi oa Moea o Halalelang, Petrose o hlalisa boholo ba lihloho tseo a tla khutlela ho tsona.

Bakreste, Petrose o qala trjena (1 Pet. 1:3; sheba hape Johanne 3:7), ka ho tsoaloa bocha. Bophelo ba bona bohle bo fetotsoe ke tsoho ea Jesu le lefa le hlolla le emetseng Bakreste leholimong (1 Pet. 1:3, 4). Mona, joalo ka libakeng tse ling tse ngata Testamenteng e Ncha tsoho ea Jesu ke khubu ea tšepo ea Bokreste. Tšepo ena e fa Bakreste lebaka la ho nyakalla, ntle le taba ea hore boholo ba bao ba balang 1 Petrose ba mahlomoleng. Mahlomola ana ke liteko le ho chorisana tumelo ea bona, joalo feela ka ha mollo o leka le ho hloekisa khauta. Leha babali ba Petrose ba so bone Jesu bosebeletsing ba hae, baa mo rata le ho lumela ho eena. 'me li tla morao tsa tumelo ea bona ho eena ke poloko le tšepiso ea “lefa le sa boleng, le se nang sekoli, le sa omelleng, leboloketsoeng lōna leholimong” (1 Pet. 1:4).

Petrose hape o bolela hore ba tsebe hore baporofeta ba khale ba boletse “mohau o le hlahetseng” (1 Pet. 1:10). Baporofeta ba Testamente ea Khale ba ile ba e “batla le ho e botsisisa” (1 Pet. 1:10) ka poloko eo batho bana ban eng ba na le maiphihelo ho Jesu. Ha ba hlirisetsoa tumelo ea bona, Petrose o supa hore ke karolo ea khohlano e batlang e le kholoanyane lipakeng tsa botle le bobele. Qetellong, o batla ho ba thusa hore ba lule ba tšepahala 'neteng, le hara lithoriso.

**1 Petrose 1:4 e re ho na le lefa leo u le “boloketsoeng leholimong.” Nahana ka taba eo boemong ba botho; ho na le sebaka se khethehileng se bolokiloeng leholimong bakeng sa hao, ka kotloloho. Joale ke joang o ka arabelang tšepisong ee e hlolang?**

# Ho Phela Bophelo ba Pholoho

**Bala 1 Petrose 1:13–21. Ho ea ka sekha sena, ke'ng se susumetsang boitšoaro ba Bokreste?**

---



---



---

Lentsoe joale he, e qalang 1 Petrose 1:13, e bontša hore seo Petrose a tlo se bua se latelang se tsoa ho seo a sa tsoa se bolela. Joalo ka ha re bone thutong ea maobane, Petrose o ne a ntsa bua ka Mohau oa Molimo le tšepo eo Bakreste ba nang le eona ho Jesu Krete (1 Pet. 1:3–12). E le litla morao tsa mohau le tšepo ena, Petrose o khothaletsa babali ba hae ho “tlama matheka a likello tsa bona” (1 Pet. 1:13). Ke hore, e le karabelo ea topollo eo ba nang le eona ho Jesu, ba lokela ho lokisa likello tsa bona e le hore ba eme ba tiile ba tšepahetse (1 Pet. 1:13).

**Bala 1 Petrose 1:13. Ho bolelang ho phomotsa tšepo ea hao ka ho phethahala holima mohau o senotsoeng ho Jesu?**

---

Ha ho potso, Petrose o ba bolella hore tšepo ea bona e phomole ho Jesu. Empa hang o tiisa hore boemo bo itseng ba boitšoaro bo lebeletsoe ho Bakreste e le litla morao tsa topollo. O qolla lintlha tse tharo tse ka sehlohong tse susumetsang boitšoaro ba Mokreste: semelo sa Molimo (1 Pet. 1:15, 16), kahlolo e tlang (1 Pet. 1:17), le theko ea topollo (1 Pet. 1:17–21). Ntho ea pele e ka susumetsang boitšoaro ba Mokreste ke semelo sa Molimo. Semelo sena se ka akaretsoa ka tsela ena: Molimo oa Halalela. Petrose o qotsa Levitike 11:44, 45 ha a re, “Halalelang, hobane kea halalela” (1 Pet. 1:16). Ka hona ba latelang Jesu e ka khona ba halalele (1 Pet. 1:15–17). Tšusumetso ea bobeli ea boitšoaro ba Mokreste e fumanoa tlhokomelong ea hore Molimo, ea halalelang, o tla ahlola bohle hose leeme, ho ea ka moo e mong le e mong a entseng kateng (1 Pet. 1:17). Tšusumetso ea boraro e hlaha 'neteng e hlollang ea hore Bakreste ba lopolotsoe. Sena se bolela hore ba rekiloe ka theko, theko e holimo: mali a bohlokoa a Jesu (1 Pet. 1:19). Petrose o tiisa hore lefu la Jesu ha e eaba tšohanyetso ea nalane empa ntho e thehiloeng le pele lefatse le thehoa (1 Pet. 1:20).

**Ke'ng se u susumetsang ho ba Mokreste? Karabo ea hao e tla efe, 'me hobaneng, haeba e mong a ka u botsa, Hobaneng u le Mokreste? Tlisa karabo ea hao sehlopheng ka Sabatha.**

# Ratanang

Petrose o tsoela pele ho khothaletsa Bakreste ka sehlohlolo sa bophelo bo halalelang le ba botšepahi.

**Bala 1 Petrose 1:22–25. Ke ntlha efe ea bohlokoa eo a e etsang moo ka se boleloang ke hoba Mokreste?**

Ntlha ea Petrose e qalang ke hore Bakreste ba se ba hloekisitsoe (“ha e hlatsoitsoe . . .”), le ho phela ka kutlo ’neteng (1 Pet. 1:22). Sehlahosi ho “hloekisa” kapa ho “hloeka” se amana le mantsoe halalela le khalalelo, se khutlela morao ho seo Petrose a se ngotseng litemaneng tse ’maloa pejana (1 Pet.1:15). Leha boitlamo ba bona ho Jesu, le ka kolobetso ea bona (bapisa 1 Pet. 3:21, 22), Bakreste ba itlhoekisitse ka ho iphella kathoko bakeng sa Molimo, ’me ba etsa sena ka ho ba le kutlo ’neteng. Phetoho ena maphelong a bona e na le litla morao tsa tlholeho e le hore joale ba iphumana ba le likamanong tse haufi le ba bang ba nang le pono e tsoanang. Likamano tsena li haufi hoo Petrose a sebelisang puo ea lelapa ho li hlalosa. Bakreste ba lokela ho etsa ka lerato la boena. Lentsoe la se-Gerike le sebelisitsoeng ho 1 Petrose 1:22, ha a bua ka “lerato la boena,” Filadelfia, e bolela feela “lerato la boena.” Ke lerato la lelapa. Hona le mantsoe a fapaneng ka se-Gerike a tolokoang e le “lerato”: filia (setsoalle), eros (lerato la monna le mosali), agape (lerato le hloekileng le batlang molemo bakeng sa ba bang). Lentsoe leo Petrose a le sebelisang ha a ngola “le ke leratane ka ho tiea” (1 Pet. 1:22) le hokahanngoa le agape—leo hangata le bolelang lerato le hloekileng le batlang molemo oa ba bang. Ke ka hoo a kenyelitseng polelo le ratane “ka pelo e hloekileng” (1 Pet. 1:22), mofuta oa pelo o tsoaloang ke ho “tsoaloa bocha” (1 Pet. 1:23; sheba hape 1 Pet. 1:3) ka lentsoe le sa boleng la Molimo. Mofuta ona oa lerato o tsoa feela ho Molimo; ha se leo boikhantšo, boikhohomoso boo pelo e sa hloekang e tla bo hlalosa, e lenglebaka leo Petrose a tiisang ho hloekisoa le ho “utloa ’nete” (1 Pet. 1:22). ’Nete ke hore ha se ntho feela e lumeloang, e lokeloa ho pheloa.

**Ke joang re ka ithutang ho rata haholo? Ke liqeto life tseo tseo re lokelang ho li etsa e le ho bonahatsa mofuta oa lerato o tsoang “pelong e hloekileng”?**

## Ho Ithuta Haholoanyane:

Bala Ellen G. White, “Perfect Obedience Through Christ,” pp. 374, 375 ho *Selected Messages*, book 1. Sheba hape Ellen G. White, “Christ the Way of Life,” pp. 365–368, le “Perfect Obedience Through Christ,” pp. 373–376 ho *Selected Messages*, book 1.

Ho ea makatsa hore na khaolo ena ea pele ea Petrose e tibele le ho nona ha kakang le hore na e pharaletse ha kae. Petrose o qala epistole ea hae ka ho ho teba semelong sa bo Molimo, ka ho tlisa Ntate, Mora, le Moea o Halalelang. Ntate o fane ka mopholosi e leng Mora oa hae, Jesu Kreste, 'me re khethiloe ka eena bakeng sa ho lokafatsoa le kutlo. Re rata Jesu, 'me ho eena re nyakalla ka thabo e phahameng hobane, ka lefu la hae le tsoho, re ba le tšepiso ea “lefa le sa bolelang” leholimong. Le hara litlhoriso, re ka nyakalla topollong eo re e filoeng ho Kreste. “Mangolo a hae [Petrose] e ne e le mekhoha ea ho tsosa molota le ho matlafatsa tumelo ea bao ba neng ba hlahetsoe ke litlhoriso le matšoenyeho, le ho nchafaletsa mesebetsing e metle bao ka baka la litlhoriso tse ba hlahetseng ba leng tekong ea ho lahlehela ke tšepo ea bona ho Molimo.”—Ellen G. White, *The Acts of the Apostles*, p. 517. Ka nako eo, Moea o Halalelang o ile oa sebetsa ka baporofeta matsatsi ao Petrose le ba bali ba hae ba phelang ho oona. Ka hona, Bakreste ba lokela ho phela bophelo bo halalelang, ba tletsoe ke kutlo ea 'nete, lichabeng tseo letšoao la teng e leng le tsoang “pelong e hloekileng.”

## Lipotso tsa ho Qoqoa:

1. Ka sehlopheng, sheba likarabo tsa hao potsong ea thuto ea Laboraro qetellong ea thuto: Ke eng se re susumetsang ho ba Bakreste? Likarabo tsa hao li na leng e tšoanang? Lifapana ha kae?
2. Habeli khaolong ena ea pele (1 Pet. 1:3, 21), Petrose o hlalisa tsoho ea Jesu. Ke eng ha kana ka tsoho eo e leng bohlokoa tumelong ea rōna?
3. Petrose o bua ka “lefa le sa boleng” (sheba hape Dan. 7:18). Seo se bolela eng? Nahana ka lintho tsohle lefatšeng lena le bophelong bona bo felang kapa bo ka felisoang ka ho panya ha ntši. Ke eng eo sena se lokelang ho re bolella sona ka bohlokoa ba lefa leo re le tšepisitsoeng?
4. Ke joang tumelo ea rōna e ka holang le hara litlhoriso? Ke hore, ke liqeto life tseo re ka li etsang ho re thusa ho ithuta lintho tseo re hlahetsoeng ke tsona?

